

ESCENARIO DI ARUBADAG NA HULANDA LO TIN "BANDERA DI ARUBA" COMO TEMA

ORANJESTAD (AAN): Franco Sneek, diseñador Arubiano, cu pa cinco aña consecutivo ta diseñá e podium riba Arubadag, y manera e añanan anterior a tuma e bandera di Aruba como punto di salida pa su diseño pa e decoracion di e podium pa Arubadag 1996.

E aña aki Franco su diseño lo ta bay ta algo masha special ya cu Aruba ta celebra su di diez aña di Status Aparte. E ta expresa di e manera aki: "Un bandera ta e imagen y reconocimiento di un país. Unda na mundo cu bo bay e bandera ta e señal mas reconocí di un país. Ora bo yega na cualkier aeropuerto e prome simbolo cu bo ta mira ta e bandera nacional, dunando tur hende un Bon Bini". Ta pesey Franco, como un Arubiano, ta scoge e bandera di Aruba den su diseño.

Loke ta sobresalí den e diseño di Franco Sneek e aña

aki ta cu e bandera di Hulanda, simbolisando asina e relacion di cooperacion cu tin

entre e tres paisnan den Reino. E bandera Hulandes ta mei-mei ilustrando e relacion

cu nos madre patria. E bandera di Aruba no ta mará na konopi na e bandera Antiyano ya cu Aruba a abandoná e constelacion Antiyano desde 1986.


E diseñador Arubiano Franco Sneek ta splica: "E banderanan ta mará na otro den un círculo mustando asina e igualdad y unidad entre e paisnan den Reino. Mi a scoge pa un círculo pasobra un círculo ta rondó y no tin comienzo y ni fin. Nada ta para ariba of abao qje. E dunamento di man den e diseño ta acentuá e relacion estrecho cu Aruba tin cu otro culturalnan y nacionnan".

Den e diseño el a pinta e watapana. Un mata cu ta para firme ariba su pia aunque con duro e biento ta suté diaria-

mente. E watapana ta e orguyo di nos Arubianonan. Un parha blanco bulando ta ilustra un Aruba soberano. Tambe esaki ta simbolisá e Arubiano liber cu ta saca su halanan biahando na tur parti di mundo cu hopi confiansa den su mes.

E Arubiano cu no tin miedo di e futuro, pero cu semper lo bolbe bek na su neishi cálido, su pais natal. Aruba, un pais pa cual su libertad hopi di su yiunan a bringa pé.

Franco Sneek a scohe den su diseño pa pinta blachinan di laurel ya cu laurel ta simbolisá paz y harmonia loke ta reina entre Aruba, Hulanda, y Antia y loke e pueblo di Aruba ta boga pa un pueblo cordial y pacífico.



Opinion Publico

MINISTRO BEKE TIN RAZON!

Encuanto e posicion di Ministro Lili Beke tocante Entertainment Center e tin tur razon, y e no mester baha cabez pa ningun hende ni comision interesa pa yena nan saco, sin tene cuenta cu e derechonnan di otro.

Ministro Beke a muestra diabierna ora el a papia pa pueblo via Tele-Aruba cu e ta un muher planta na su zapato y cu e tin e curashi di papia palabra cla y tuma decision.

Si ministro ta sigui firme den su posicion sin importa cu e por gana enemigo envez di gana simpatizante (pa favor politico), e lo gana mas respet di pueblo tambe, pasobra pueblo no ta ciego y sa masha bon kico ta kico den e asunto aki. Ta berdad cu mester laga egoismo un banda y actua mas humano y cu menos sentimiento materialista.

Pero mirando cu materialismo a infiltra asina hopi na Aruba, sigur lo keda un grupito cu lo haci todo por todo pa presiona gobierno, specialmente Ministro Lili Beke, pe hala atras den su decision.

Pero tambe ta asina cu tin hopi cu a compronde bon e mensahe di nos gobernante y cu ta para su tras completamente.

Entertainment Center mester ta pa deporte, y tur esun cu ta contra deporte den Entertainment Center ta contra un desarojo sano pa nos hubentud!

SOCIEDAD BOLIVARIANA CURSO BASICO SILK SCREEN

Impresion cu silk screen. Print bo mes na bo cas den ora liber of tempo completo:
* FLANEL*BLUSA*PECHI*LENZO*MANTEL*
*SERBETTE*ETC*

Cu design di Cartoon y di Moda. Siña den un tempo cortico un profesion lucrativo y bo start bo mesun micro empresa.

E curso ta inclui material y certificado


LUGAR TA LIMITA

Inscripcion di Dialuna pa DiaVierna di

2'or pm pa 6'or pm

Sociedad Bolivariana Tel:21330 - Plaza Bolivar

TELEFONAN DI DIARIO
26747- FAX 28551



*Hallo Mama y Papa:
Danki pa e ayudo! E placa a yega
mesora, y ya mi a paga mi boekinan.
Sorry cu mi ta haci e karta cortico
Mi mester studia pa mi examen.*

*Amor
Rick*

WESTERN UNION | MONEY TRANSFER
The fastest way to send money worldwide.

**Bon educacion. Bon Futuro.
y promesa. Cu Western Union
Money Transfer nos ta entregabo**

Cu Western Union Money Transfer bo por ricibi y manda placa pa cualkier parti di mundo den un paar di minuut. Cu Western Union Money Transfer, bo por conta semper cu nos seguridad y reabilidad cu den 120 aña di experiencia nos por a ofrecebo.

©1995 Western Union Financial Services International, Inc. HULSTAD, ARUBA

Banda di De Palm Tours, L.G. Smith Blvd. 142 Oranjestad, Aruba Tel: 297 8 22473